

重建文昌橋志

30750.25  
113.85  
21~6

刊重年八緒九

重  
建  
文  
昌  
橋  
志

序

撫郡臨邑東阻汝水爲往來孔道浸深則褻裳弗便  
流急則挽楫維艱自宋淳熙以來謀利濟者由浮梁  
而木梁而石梁屢修屢圯訖未能一勞永逸蓋架木  
每患火蓄疊土莫禁水滲自乾隆庚戌水漲橋傾行  
旅病涉者十餘稔矣夫除道成梁守土者之責實地  
方士民之所宜從事也無以倡之則衆不附無以伙  
之則工弗興矧橋取義上應蔽垣允稱一郡人文之

敘一

瑞烏可不亟爲脩舉耶歲癸亥郡守縣尹倡義興脩  
而闔郡士民踴躍趨事涸水置基增而高之廓而大  
之以爲永久計旣成復爲志以紀其實爲後來者勸  
也余覽前碣宋人之初建也始乙酉中春訖丙戌首  
夏明人之繼脩也十月而水門具逾年而石道平一  
二年間耳而茲役則自嘉慶癸亥厯癸酉始克落成  
蓋惟不吝費不惜工經營匪易則鞏固可期十一年  
之勞費凡爲數百年利濟計也顧不偉歟臨川中翰

湯君著蓀夙從余遊求爲志序余嘉郡之士庶樂襄  
善舉尤仰見

聖朝德政休養家給人足趨事赴功誠太平盛事也  
因爲并其簡端至斯郡守令或始之或終之備載志  
中故不書

時

嘉慶十九年甲戌閏二月穀旦

誥授通奉大夫兵部侍郎兼都察院左副都御史巡

敘二

二

撫江西提督軍務糧餉加三級長白先福撰

文昌橋上應星象爲一郡風氣之關鍵自宋以來  
建置沿革僅載郡縣志而未有專書蓋橋始於造  
舟繼以架木又繼以甃石或數月而成或一二年  
而成費亦至數萬金而止故無專書以詒來者嘉  
慶丙寅八月余自秋曹奉

命出守是邦適郡人有修橋之役余親臨相視念其工  
鉅費繁深爲惴惴與六屬寮案咨度籌畫蓋八年  
於茲矣仰荷

敘三

三

聖皇厚澤年穀順成運石庀材歡欣從事越癸酉十二  
月工得告具長虹貫起宏敞雄鮮鬱鬱隆隆洵稱  
勝地郡人託靈臺之義稽考工之數循時紀事編  
輯成書不特十一年之經畫皆有條理可攷而斯  
橋之所以上應星象爲一郡風氣之關鍵者亦可  
識其大端矣

誥授中憲大夫撫州府知府前刑部郎中長白澄齋氏

伊明阿譔

岢

嘉慶十九年甲戌閏二月

穀旦

敘四

四

文昌橋銘 并序

盱江自小黜溪挾山水經撫州府城之東水經注所謂盱水出南城縣是也其名爲最初會汝水名汝江會臨水爲臨川江在城東名東江其漲無恒則漫衍數里而城之東門爲府衝要夾西岸積石爲碕以束水碕之中曰文昌橋亦積石爲之嘉慶八年前太守番禺邱公前臨川令會稽來公因橋久圯與都人士議治之未訖十一年沆至縣從今太守長白伊公復

敘五

五

治之至十四年而竣事凡費白金十八萬兩有奇橋廣二丈修七十有三丈高三丈八尺有奇下爲水門十二道上爲橋屋九十二間都人士以沆在事久欲得一言爲後世徵沆不克辭伏思古者爲治之道教行於顯化率于隱政所以張紀綱事所以盡條目橋乃事之一端而已然而三代聖人著之于令載之于經暢之于歌詩後世地理之書必稽其興廢與岳鎮藪浸城池阨塞並書者誠以朝貢之所往來軍役之

所屯發四民之所出入百物之所運行胥于是乎得其會不可闕也是故由一橋觀之爲治者一事窳敗則與此一事相及者皆受其病焉久之則事事皆受其病焉教何由可行化何由可動政何由可舉哉是故法治無大法亂無小今都人士旣與沆共此橋之成矣其與沆益加勉焉以從事于事事庶幾其有豸與爰爲之銘曰

奔虹赴海勢跨重城霧逐雲驅有沸其聲延陞峨峨

銘

六

扶闌艤艤灑溜千條截波萬折南宋之中始作浮梁富平架篝建業開航不水而流不鞭而走木構從橫石參牝牡于茲千載有廢有興我來爰咨前功是承益鞏其基益巖其飾民抃于瀏士欣于室戴筐之曜列于紫宮南斗橫河元武之東天人一心移禧借福天津名像七星號蜀煌煌文昌吾撫是臨聲光日躋纓弁雲升

承平之時吏和民樂永永無疆受茲百祿

嘉慶十九年清和月

勅受文林郎知臨川縣事錫山秦沆撰并書


敘七

七

文昌橋圖


撫郡文昌橋志

文昌橋圖



撫郡文昌橋志

文昌橋圖



文昌橋志目錄

卷之一

姓氏

卷之二

建置

卷之三

星象

附圖

卷之四

撫郡文昌橋志

目錄

水道

附圖

卷之五

規條

卷之六

工程

附圖

卷之七

藝文

卷之八

公牘

附樂輸公費

撫郡文昌橋志

目錄  
志

二

文昌橋志卷一

姓氏

馬遷循吏傳錄文翁而遺其名讀史者憾焉成梁  
除道特吏治一事耳而民喜之喜斯愛愛斯傳矣  
區厥姓氏附以邦人之與斯役者披藝觀之庶無  
憾乎紀姓氏第一

官師

按郡縣官師志署任者例不得書茲帙起嘉  
慶癸亥訖癸酉凡有賴於橋者悉謹書之

撫郡文昌橋志

卷一

姓氏

一

知府

邱名先德廣東番禺人由進士嘉慶七年任

伊名明阿滿洲鑲黃旗人由部員嘉慶十一年任

彭名驤山西夏縣人舉人嘉慶十四年署

寧名瑞漢軍正白旗人舉人嘉慶十七年署

通判

彭名嘉湖北江夏人由供事嘉慶五年任

臨川縣知縣



來名珩浙江蕭山人由進士嘉慶六年任

黃名駿江蘇興化人由拔貢生嘉慶九年署

彭名淑湖北長陽人由舉人嘉慶十年任

秦名沆江蘇金匱人由監生嘉慶十二年任

陳名國華江蘇丹徒人監生嘉慶十三年署

金谿縣知縣

賀名維錦江蘇丹陽人由舉人嘉慶七年任

萬名國榮湖北隨州人由監生嘉慶十一年任

撫郡文昌橋志

卷一

姓氏

二

崇仁縣知縣

羅名攀桂福建人由進士嘉慶七年任

文名殊保滿洲鑲紅旗人議敘嘉慶十三年任

宜黃縣知縣

鄒名文炳江蘇無錫人監生嘉慶十四年署

札名隆阿滿洲鑲紅旗人議敘嘉慶十七年任

樂安縣知縣

劉名永泰貴州人由舉人嘉慶 年任

劉名開誠湖南寧鄉人由進士嘉慶十七年任

東鄉縣知縣

李名墳直隸蠡縣人由附貢生嘉慶十二年任

教授

辛名昂成萬載人由進士嘉慶九年任

裴名宗玉清江人廩貢生嘉慶十一年署

魏名瑞瀘溪人由進士嘉慶十四年任

訓導

撫郡文昌橋志

卷一

姓氏

三

王名定遠鄱陽人由優貢生嘉慶六年任

嚴名廷斗奉新人由廩貢生嘉慶十二年任

臨川縣教諭

湯名成材萍鄉人由舉人嘉慶十二年任

臨川縣訓導

楊名春本嘉慶十四年任

經歷

丁名芮柘浙江歸安人由監生嘉慶十二年任

一席名存濂江蘇吳縣人監生嘉慶十年署

照磨

舒名崇潭安徽黟縣人議敘嘉慶九年任

臨川縣縣丞

龔名述祖江蘇陽湖人由監生嘉慶五年任

蔣名鳳誥江蘇長洲人由監生嘉慶八年署

蔣名方增江蘇武進人由監生嘉慶九年任

劉名金式湖南桃源人廩生嘉慶十八年署

撫郡文昌橋志

卷一

姓氏

四

金谿縣縣丞

諸名肇棠浙江紹興人監生嘉慶十七年署

溫家圳巡檢

張名江華人由監生嘉慶八年任

東館司巡檢

邵名煥浙江山陰人由監生嘉慶九年任

臨川縣典史

盧名學源山西陽曲人由監生嘉慶十八年任